

Predavanja gostujućih profesora

Svjedoci smo da na Geodetskom odsjeku Građevinskog fakulteta imamo sve češće priliku izraziti našu dobrodošlicu poznatim evropskim profesorima univerziteta i čuti njihova zanimljiva predavanja o različitim aktuelnim temama.

Tako, prilikom svoje posjete Bosni i Hercegovini, odnosno Sarajevu, u maju 2000, poznati geodetski stručnjak iz Njemačke, univerzitetski profesor u penziji, direktor poznatog Instituta za kartografiju i geodeziju iz Frankfurta na Majni, Prof. Dr. Herman Seeger, održao je na Geodetskom odsjeku Građevinskog fakulteta u Sarajevu 08. 05. 2000. predavanje na temu:

Status EUREF 2000.

Bila je to prilika da auditorij iz prve ruke dobije informacije o nastanku i razvoju EUREF mreže (EUropean REference Frame), te o njegovom trenutnom statusu i perspektivama, ciljevima i dostignućima.

Medžida Mulić

PREDAVANJE O DIGITALNIM NIVELIRIMA

U vremenu od 23. do 25. oktobra 2000. godine u Sarajevu je boravio prof.dr Nikola Solarić, redovni član Tehničke akademije znanosti Hrvatske.

Održao je predavanja iz Astronomije za studente IV. i V. godine Geodetskog odsjeka Građevinskog fakulteta.

Tom prilikom, na dan 24. oktobra 2000. održao je vrlo interesantno predavanje pod nazivom Digitalni niveliri. Predavanje je bilo vrlo dobro posjećeno.

Nihad Kapetanović